



USM pasti menang perjuangan menentang COVID-19 ini.

Assalamu'alaikum warahmatullah/Salam sejahtera.

Diharapkan semua berada dalam keadaan sihat sejahtera dan teruskan menjaga keselamatan masing-masing.

Mesej ini **ditujukan khas kepada seluruh warga kampus induk USM** – pelajar (ijazah pertama, ijazah tinggi) dan staf.

Inisiatif-inisiatif lebih spesifik yang melibatkan Kampus Kesihatan, Kampus Kejuruteraan, IPPT, IPS KL, sains@USM, sains@Alor Star, CEMACS, Arkeo@Sg Batu, Create@Georgetown, dan USM-KLE India akan dikeluarkan oleh Pengarah masing-masing, dengan garis panduan melalui hebahan rasmi ini dan SOP yang digariskan oleh MKN.

Saya menyeru kesemua pihak untuk sentiasa bersedia dan bersatu, meningkatkan disiplin serta fokus dalam menentang ancaman yang tidak dapat dilihat ini. Semangat kita adalah dalam memastikan USM terus beroperasi, menyampaikan kecemerlangan pengajaran dan pembelajaran dan menghasilkan penyelidikan yang berimpak, dalam keadaan urusan harian kita berdepan dengan norma-norma baharu.

USM telah menguruskan krisis COVID-19 dengan jayanya sejak Mac 2020 dan kita seharusnya perlu mengekalkan kejayaan untuk tempoh seterusnya.

Kita akan menangani masalah ini di bawah tiga misi utama:

1. Menyekat potensi penyebaran COVID-19;
2. Menguruskan kepulangan pelajar ke USM dengan kawalan dan penjadualan yang baik;
3. Mengehadkan akses pergerakan keluar-masuk yang tidak dijadualkan ke USM;

Kesemua ini dilakukan demi menjamin keselamatan dan kesejahteraan untuk **SEMUA**.

- **2,600 pelajar** yang memilih untuk terus tinggal di kampus (dan juga keluarga mereka);
- Hampir **100 staf** dan keluarga yang tinggal dalam kampus (staf desasiswa, jabatan keselamatan, jabatan pembangunan);
- **1,400 pelajar** yang akan pulang selepas cuti Hari Raya;
- **1,100 pelajar** yang akan pulang ke kampus bagi Fasa 2 yang telah dijadualkan sebelum ini; dan
- **3,100 staf** – akademik dan bukan akademik yang bekerja dalam kampus.

Adalah amat penting untuk kesemua pihak memainkan peranan masing-masing, berfikir dengan tenang dan menjaga di antara satu sama lain dalam tempoh yang mencabar ini. Kita memahami bahawa kita mempunyai tanggungjawab terhadap kesemua pihak – ibu bapa, penaja, pihak kedutaan dan semua rakan-taulan USM.

1 MENYEKAT POTENSI PENYEBARAN

Semua **2,700** pelajar, kakitangan dan keluarga di kampus: **Terus kekal di dalam kampus selama 10 hari bermula 15 Mei sehingga 25 Mei 2021.**

Ideanya adalah untuk mengehadkan pergerakan, justeru itu dapat mengurangkan pendedahan kepada COVID19, dan untuk mengehadkan potensi penyebaran.

1.1 Kafeteria akan beroperasi dan kami akan melaksanakan pendekatan melantik wakil pelajar untuk pembelian pukal keperluan isi rumah seperti lampin kanak-kanak dan susu tepung.

1.2 Kami menghargai pengorbanan anda dalam memilih untuk terus berada di dalam kampus semasa Hari Raya dan kami berharap anda terus menjadi cekal dan sabar.

1.3 Kami juga tahu bahawa sebilangan daripada anda ingin pulang memandangkan aktiviti dalam talian telah dilanjutkan (lihat Seksyen 2), tetapi kami berpendapat bahawa risiko pendedahan adalah jauh lebih rendah jika anda terus kekal di dalam kampus.

2 PULANG KE KAMPUS

Kami telah membuat persediaan yang teliti bagi mereka yang pulang dari Hari Raya dan mereka yang dijadualkan pulang lebih awal (Fasa 2) – **SEMUA 2,500** pelajar.

Berikut adalah apa yang anda perlu tahu:

2.1 USM telah memutuskan untuk menangguhkan sesi penting bersemuka (F2F) – makmal dan seumpamanya – ke tarikh tentatif **7 Jun 2021**. Dari sekarang sehingga 7 Jun 2021, semua pengajaran dan pembelajaran akan dijalankan sepenuhnya secara dalam talian.

2.2 **SEMUA peperiksaan** untuk semester ini akan dilakukan secara **dalam talian**.

2.3 **Pascasiswazah** – USM akan terus memantau keadaan semasa. Kami berhasrat untuk **membenarkan akses yang terhad ke makmal secepat mungkin**. Kami juga akan mengkaji semula tarikh 7 Jun ini, untuk pascasiswazah, setiap minggu. Penyelia PhD/Masters - sila ambil perhatian.

2.4 Mereka yang perlu mengendalikan sampel hidup - anda dibenarkan untuk mengakses makmal anda mengikut kes. Bilangan orang yang dibenarkan di dalam makmal dan jumlah masa yang diperuntukkan bagi tujuan ini akan dihadkan.

2.5 Meninjau perkembangan terkini, jika anda memutuskan untuk **membatalkan/menangguhkan** perjalanan anda kembali ke kampus, kami amat menghargainya jika anda memaklukkannya kepada pusat pengajian masing-masing.

2.6 **SEMUA** pelajar yang kembali perlu mematuhi prosedur pengasingan kecuali bagi mereka yang memilih untuk menjalani ujian swab dalam tempoh minimum yang ditetapkan sebelum pulang.

3. AKSES TERHAD UNTUK MASUK KE KAMPUS

Dalam usaha untuk meminimumkan risiko kepada 2,700 warga yang berada dalam kampus, dan 2,500 pelajar yang akan pulang, serta 3,100 staf yang bertugas untuk meneruskan perkhidmatan, USM akan mengimplementasi perkara berikut bagi tempoh bermula **15 Mei sehingga 25 Mei 2021**.

3.1 Had maksimum staf masuk ke kampus adalah **10%**. Staf selebihnya perlu bekerja dari rumah. Sila aktifkan pengalihan arah panggilan agar terus dapat berhubung/dihubungi. Warga kampus yang berada dalam kategori Berisiko

Tinggi tidak dibenarkan masuk ke kampus tanpa mendapat kebenaran dari NERVE CENTRE terlebih dahulu.

3.2 Untuk keperluan penjejakan kontak (jika diperlukan), dan penguatkuasaan had 10% staf masuk ke kampus, penggunaan **sistem SKKF** adalah **DIWAJIBKAN**.

3.3 Had maksimum 20 orang sehari untuk pelajar PETAS dan pelajar pascasiswazah yang dibenarkan masuk ke kampus.

3.4 Pengurangan 50% terhadap pihak ketiga iaitu pengusaha dan kontraktor dalam kampus (tukang cuci, kontraktor penyelenggaraan, lanskap) dalam tempoh 10 hari berkenaan.

3.5 Pembatalan kesemua lawatan/perbincangan/mesyuarat secara bersemuka dengan pihak luar yang telah dirancang dalam kampus.

Untuk sebarang pertanyaan, sila hubungi **Bilik Gerakan USM (USM Nerve Centres)**.

Saya amat menghargai dan berterima kasih kepada staf Nerve Centre dan Desasiswa, termasuk Prof. Aldrin, yang bekerja sehingga jam 2.00 pagi untuk dua malam Raya berturut-turut.

Terima kasih dan kekal selamat.

Yang ikhlas,

Profesor Dr. Faisal Rafiq Mahamd Adikan, FASc.

Naib Canselor USM

15 Mei 2021